



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԷՐԵԲՈՒՆԻ ՎԱՐՉԱԿԱՆ ՇՐՋԱՆԻ ԴԵԿԱՎԱՐ

« 29 » նոյեմբերի 2021 թ.

№ Վ-25/1

ք. Երևան, Սասունցի Դավթի փող., հ. 87

Հեռ.՝ (+374 11) 518 304

Էլ. փոստ՝ erebouni@yerevan.am

ՈՐՈՇՈՒՄ

ՎԱՐՉԱԿԱՆ ԻՐԱՎԱՆԱԽՏՄԱՆ ՎԵՐԱԲԵՐՅԱԼ

Համաձայն Էրեբունի վարչական շրջանի ղեկավարի աշխատակազմի առևտրի, ծառայությունների և գովազդի բաժնի աշխատակից Իշխան Նազարեթյանի կողմից 12.10.2021թ. կազմած վարչական իրավախախտման վերաբերյալ հ. 039364 արձանագրության՝ Ա/Ձ Սուրեն Հունանյանի կողմից ք. Երևան, Մուրացանի փող. Հ. 113/2 հասցեում՝ ոչ սահմանված վայրում իրականացվում էր առևտուր:

Նշված իրավախախտման վերաբերյալ 2021թ. նոյեմբերի 25-ին հրավիրվել է վարչական վարույթի լսումներ, որի մասին իրավախախտում կատարած Ա/Ձ Սուրեն Հունանյանը գործի քննության մասին պատշաճ ծանուցվել է, սակայն քննությանը չի ներկայացել, ուստի համաձայն Հայաստանի Հանրապետության վարչական իրավախախտման վերաբերյալ օրենսգրքի 267-րդ հոդվածի գործը քննվել է նրա բացակայությամբ:

Կազմված հ. 039364 արձանագրության մեջ որպես իրավախախտման հոդված նշված է ՀՀ Վարչական իրավախախտումների վերաբերյալ օրենսգրքի 162-րդ հոդվածի 1-ին մասը, սակայն ուսումնասիրելով գործում առկա նյութերը հանձնաժողովը պարզեց, որ քննարկվող արարքը բնույթով համապատասխանում է ՀՀ Վարչական իրավախախտումների վերաբերյալ օրենսգրքի 162-րդ հոդվածի 2-րդ մասով սահմանված արարքին՝ ոչ սահմանված վայրում առևտուր անելը:

Ա/Ձ Սուրեն Հունանյանի նկատմամբ դեռևս 05.04.2021թ.-ին, 24.05.2021թ.-ին, 31.05.2021թ.-ին և 14.06.2021թ.-ին կայացվել են վարչական տուգանք նշանակելու վերաբերյալ որոշումներ, համաձայն որոնց իրավախախտում կատարած Ա/Ձ Սուրեն Հունանյանը կատարել է ՀՀ Վարչական իրավախախտումների վերաբերյալ օրենսգրքի 162-րդ հոդվածի 2-րդ մասով սահմանված արարքը:

Ուստի հանձնաժողովը գտնում է կատարված իրավախախտման համար տուգանք նշանակել համաձայն ՀՀ Վարչական իրավախախտումների վերաբերյալ օրենսգրքի 162-րդ հոդվածի 4-րդ մասի դրույթներին համապատասխան, ըստ որի սույն հոդվածի երկրորդ մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը առաջացնում է տուգանքի նշանակում՝ սահմանված նվազագույն աշխատավարձի քառասնապատիկից մինչև հիսնապատիկի չափով:

Ղեկավարվելով Հայաստանի Հանրապետության վարչական իրավախախտումների վերաբերյալ օրենսգրքի 23-րդ հոդվածի երկրորդ կետով, 162-րդ հոդվածի 2-րդ և 4-րդ մասերով, 219.1-րդ, 281-րդ և 282-րդ հոդվածներով, Երևան քաղաքի ավագանու 2010թ մայիսի 7-ի N 96-Ն որոշման 1-ին կետով, ինչպես նաև հիմք ընդունելով այն հանգամանքը, որ Ա/Ձ Սուրեն Հունանյանը չի կատարել նախկինում իր նկատմամբ կայացված վարչական ակտերի պահանջները, որոշեցի.

1. Ա/Ձ Սուրեն Հունանյանին Հայաստանի Հանրապետության վարչական իրավախախտումների վերաբերյալ օրենսգրքի 162-րդ հոդվածի 4-րդ մասով ենթարկել վարչական պատասխանատվության՝ նշանակել տուգանք 50.000 /հիսուն հազար/ ՀՀ դրամ:

2. Որոշման օրինակը երեք օրվա ընթացքում հանձնել Ա/Ձ Սուրեն Հունանյանին:


3. Առաջարկել Ա/Ձ Սուրեն Հունանյանին՝ միջոցներ ձեռնարկել իրավախախտման պատճառները և պայմանները վերացնելու ուղղությամբ:

4. Որոշումը կարող է բողոքարկվել վարչական կարգով՝ վարչական ակտն ուժի մեջ մտնելու օրվանից երկու ամսվա ընթացքում, կամ վարչական դատարան՝ Հայաստանի Հանրապետության օրենսդրությամբ սահմանված կարգով:

5. Ընդունելի գիտություն, որ Օրենսգրքի 305-րդ հոդվածի համաձայն՝ տուգանքը պետք է վճարվի սույն որոշումը խախտողին հանձնելու օրվանից ոչ ուշ, քան տասնհինգ օրվա ընթացքում՝ մուծում կատարելով կենտրոնական գանձապետարանի N 900025311052 հաշվին: Տուգանքը սահմանված ժամկետում խախտողի կողմից չվճարելու դեպքում այն կգանձվի՝ համաձայն Հայաստանի Հանրապետության օրենսդրության:

ՎԱՐՉԱԿԱՆ ՇՐՋԱՆԻ

ՂԵԿԱՎԱՐԻ ՊԱՇՏՈՆԱԿԱՏԱՐ՝



ՀԱԿՈԲ ԲԱԼԱՅԱՆ

29 նոյեմբերի, 2021թ.
Երևան